

滇云紀略



元明沿革

元

憲宗二年八月遣太弟征取雲南分兵三路而進遂
得大理五城八府四郡三十七部依漢故事以西南
夷悉爲郡縣加兀良哈台大元帥鎮大理置中書省
於鄯闡改名中慶路省會也共爲路三十有七府二
屬府三州五十四縣七十七戶口二百一十八萬七
千零而雲南復入中國矣

世祖元至元年雲南都元帥寶合丁不善撫輯東爨
舍利畏倡亂諸部并起衆至三十萬命總領大理諸



郡信苴日合兵平之 四年八月以皇子忽哥赤爲

雲南王九月移鎮大理詔陳留人張立道爲王府文學

立道勸王重農以厚民卽置立道勸農官立道相地
勢役丁夫千人洩昆池下流得壤地萬頃先雲南未
知尊孔氏立道始建孔子廟置學舍歲時行釋菜禮
人習禮讓 十一年世祖謂賽典赤回人曰雲南比因

委任失宜使遠人不安欲得長厚者撫治莫過於卿
典赤卽訪畫其山川城郭夷險遠近爲圖以進世祖
大悅遂拜平章政事行省雲南並以信苴日爲大理

總管 十三年羅槃甸叛典赤徃征舉國降 十六

年典赤卒贈太師咸陽王謚忠惠

交趾王遣使十二人齎致為文致祭

有生我育我慈父慈母之語墓在會城外東南太乙宮左

十八年以信苴日為

宣撫使都元帥尋拜雲南行省中書叅知政事

九年二月遣諸王相答吾兒右丞大卜叅政也罕的

斤征緬信苴日迎師至金齒病卒以其弟段忠為大

理宣慰司軍民萬戶府 二十年十二月忠卒以信

苴日之子段慶為宣慰使都元帥佩金虎符先是七

月開雲南驛路分亦奚不薛地為三設官治之十一

月相答吾兒等分道擊緬招討使怯烈造舟於阿昔

阿禾兩江順流攻之拔江頭城遣使招其王不應進

拔太公城緬降 二十一年正月金齒十二部皆內
附置卯牙宣慰司於蒲甘命雲南王率怯烈移鎮緬
二十七年以皇孫甘刺麻爲梁王鎮雲南與段氏
搆隙分域 二十九年四月設雲南諸路學校以蜀
士充廣文

成宗大德四年五月緬人僧歌倫作亂緬王執其兄
阿散歌也尋釋之阿散歌也率其黨弑王王次子奔
誑京師詔遣薛超兀兒等率行省討之緬阿散吉牙
等赴闕請罪遂罷兵十二月丞相完澤因左丞劉深
之言勸帝征八百媳婦以彰武功五年五月劉深兵

次順元遠冒烟瘴士卒糧夫死者數十萬人又脇求
水西土官之妻蛇節金三千兩馬三千匹蠻酋宋隆
濟遂連蛇節率苗獠反攻城破黃楊諸寨進攻貴州
知府張懷德力戰死之遂圍深窮谷中梁王濶濶救
之賊稍却七月征緬師還爲金齒諸蠻所遮士多戰
死詔薛超兀兒移兵討之無功九月免爲庶人并誅
高慶察罕不花以征緬時受賂倡還故也十一月復
遣劉國傑及賽因不花率川廣各省兵討宋隆濟
蛇節別勅梁王提兵應之六年正月劉深等糧盡
引兵還隆濟邀之士卒殺傷過半三月烏撒烏蒙東

川苾部及武定威楚普安諸蠻因蛇節之亂皆乘釁
叛上遣也速騰兒等會劉國傑討平之 七年三月
劉國傑師出播州與賊戰失利乃令軍各一盾布釘
其上陣合棄盾佯走賊遂之馬遇盾皆仆國傑鼓噪
趨之賊大敗數日復破於特墨川斬蛇節追擒隆濟
餘黨相繼平劉深論死罷雲南分省

武宗至大二年十一月八百媳婦及車里諸蠻作亂
遣雲南右丞筭只兒威往招諭之爲賊所賂復以肆
掠敗還 四年五月復遣兵擊八百媳婦侍御史趙
世標諫曰蠻夷在羈縻而已先朝用兵致亾失軍旅

誅戮省臣今當選重臣知禮者付以邊寄兵宜勿用
不聽

文宗至順元年三月雲南諸王禿堅叛陷中慶路自
稱雲南王以萬戶伯忽爲丞相阿禾等爲平章事聞
遣豫王阿剌忒納失里督諸將討之五月雲南宣慰
使祿余等叛附於禿堅羅羅諸蠻相繼作亂殺雲南
行省平章帖木兒不花復遣諸王雲都思帖木兒將
江浙兵同湖廣省臣脫脫歡討之 二年四月豫王
及各省兵斬伯忽阿禾復中慶路諸蠻亦降九月祿
余復寇順元等路雲南都元帥怯烈潛師破賊砦誅

禿堅一第三子祿余道明年乞降并請改附四川賊

平

順帝至正二十三年四川明玉珍遣將李芝麻自楚

入蜀分兵四掠以紅巾為號自將三萬人攻陷雲南

梁王帖木不花遣信苴日之孫段功敗之於關灘追

至圓燈關大破之紅巾賊退梁王深德段功以女阿

禮主妻之奏授行省平章歸大理功贊郡主嫡妻高氏以詩柬功曰風

捲殘雲九霄冉冉還龍池無偶木雲一片綠寂寞倚

屏幃春雨紛紛促蜀錦半閒鴛鴦獨宿好語我將軍

只恐乘極生

二十五年功至鄯闡人謂梁王曰功

來有吞金馬噉碧雞之心矣梁王令人格殺於通濟

倚王密語阿謹曰親莫若父母寶莫如社稷功今志
 有不滅我不已脫無彼猶有他平章不失富貴也今
 有孔雀胆一具乘便毒之主潛然不欲受命夜私誦
 功曰我父忌阿奴願與西歸因出毒示之功曰我有
 功爾家我趾自傷歐爾父尚當為我畏之不聽明日
 梁王遂功東寺演梵至通濟橋馬逸因殺之阿謹泣
 曰昨與阿奴言雲南施宗施秀烟花墮身今果爾
 阿奴雖死吾不負信泉路也遂不食死遺一詩云吾
 家住鴈門深一片間雲到滇海心懸明月照青天
 青天不語今三載我隨明月到蒼山誤我一生踏
 彩吐嚙吐嚙阿奴施宗施秀同奴反雲旌波濤不
 見人插不蘆花顏色改肉屏獨坐細思量西山鐵立
 風瀟灑踏裡衫被名吐嚙可惜也插不蘆北方功
 園生草名肉屏駱駝背也鉄立松林也皆蒙古語
 子寶自稱平章於大理二十七年梁王七攻大理
 不克乃和奏授寶為雲南左丞未幾明玉珍復侵鄯
 闡梁王遣叔鉄的木罕借兵大理寶不應寶有姊名
 羗娜小名

僧奴將適建昌阿黎氏出手繡文旗以示實曰我自束髮聞母稱父寬恨非男子不能報此旗所以識也今歸夫家奴合東兵飛檄西洱償我夙願是時明太祖已開基金陵及大兵臨滇寶已卒矣

明

太祖洪武四年段寶遣叔段正奉表歸款五年梁

王把匝剌瓦爾密據雲南不下遣翰林院待制王禕往諭至動以危言梁王欲降適元太子立於漠北遣官脫脫來滇索餉知禕在滇梁王不能隱出禕見之禕不少屈遂遇害

墓在會城東地藏寺旁

時六年十二月也

七年八月遣元威順王子伯伯諭梁王不從八年

九月復遣湖廣行省叅政吳雲往諭先是梁王使其
臣鉄知院等二十餘人如漠北爲徐達所獲上釋之
令偕雲往諭至沙棠口知院等脇雲易制書雲不從
梁王亦遣人劫降雲終不屈爲其殘殺 十四年九
月命穎川侯傅友德爲征南將軍永昌侯藍玉西平
侯沐英爲副將軍列侯曹震王弼金朝興都督郭英
張銓等皆從征雲南授以方畧師至湖廣友德悉如
帝命遣郭英胡海洋陳桓由永寧向烏撒十一月友
德由辰沅趨貴州十二月攻克普定普安直抵曲靖
敗元兵於白石江獲其平章達里麻友德自率師以

應烏撒分遣沐英藍玉急趨雲南省兵次板橋梁王
走滇池中右丞觀音保以城降梁王闔家及左丞驢
兒達德俱赴水死中慶路平沐英以兵趨烏撒會友
德破右丞實卜遂城烏撒得七星關以通畢節至可
渡河東川烏蒙叅部諸蠻皆降 十五年正月詔置
雲南布政司都司及各府州縣烏蠻烏撒等處皆留
兵守禦是月友德分兵收臨安澂江皆下之降其平
章濶濶乃馬等閏二月沐英藍玉進攻大理段世據
龍首龍尾二關英自將攻之不拔命王弼率兵由洱
水東趨上關英取下關遣胡海洋繞點蒼山後攀木

緣崖而登樹列旗幟段軍驚潰策馬渡河斬關而入
遂克大理獲段世及段寶二孫又分兵取鶴慶麗江
畧定金齒等處攻建昌元平章月魯帖木兒降全滇
皆平三月更定雲南所屬州縣四月烏蒙烏撒東川
建昌苾部等處復叛友德會英討之七月英自大理
還合兵剿平之以烏撒烏蒙苾部隸四川六月元右
丞管顏篤復叛據大理佛光寨金齒土酋高火惠並
也先虎都據麓川入寇明年征降九月友德等分兵
攻未服諸蠻土酋楊苴乘虛煽衆以叛糾黨至二十
萬攻雲南城都督謝熊都指揮馮成固守英自烏撒

移兵剿平之 十六年友德送元雲南右丞觀音保
叅政車里不花段世及段寶二孫至京師上赦之賜
觀音保姓名李觀授金齒指揮使寶二孫賜名歸仁
歸義授武昌鴈門兩衛鎮撫高泰祥之後亦世襲姚
安郡丞麓川緬甸車里八百媳婦同時內附詔友德
等班師英留鎮守 十七年移中土大姓以實雲南
八月平緬宣慰使思倫遣使獻方物 十八年十二
月思倫反率眾寇景東馮成擊之失利千戶王昇死
之 十九年二月雲南臻河西浦擺金擺榜諸蠻叛
命友德耿炳文討平之 二十一年正月思倫入寇

結寨於摩沙勒英遣都指揮甯正擊破之三月復入
寇定邊號三十萬英兼程而進使馮成挑之賊以象
戰英督軍攻獲四十七象賊遁上論功以英世守雲
南英係鳳陽定遠人太祖初起英以童稚見養爲義
子後以功賜復本姓封西平侯六月東川蠻叛復命
友德爲征南將軍英桓爲副平之九月越州土酋阿
資叛友德等連敗之明年阿資降 二十二年僉都
御史黃政從征雲南還次普安遇寇及其子琬皆死
之 二十三年置景東蒙化二衛十一月思倫請降
二十四年十二月英以阿資叛服不常請遷越州

衛於陸涼鎮之阿資復叛都督何福討平之置寧越

堡 二十五年懿文太子薨英哭之嘔血遂得疾卒

野史云洪武二十五年英入朝太祖宴於奉天殿賜

金銀錦緞以萬計尋還鎮太祖曰汝在朕無南顧之

憂矣及圃滇遣使賜酒食英預知之上慟悼輟朝命

建小鼓樓於南城外詔至飲酒而卒

以喪歸追封黔寧王謚昭靖子春襲職 二十八年

阿資復叛春率何福擒斬之誅同惡二百餘人 三

十年正月置雲南按察使九月平緬蠻刀幹孟反逐

宣慰司思倫倫奔訴京師詔春為將軍何福徐凱為

副往討之 三十一年五月春先以兵送思倫於金

齒使人諭刀幹孟不從乃遣福等直擣南甸破景罕

秦復擊陸嗣寨幹孟乞降上以其反復不許遂擒斬之思倫始還平頽

成祖永樂元年正月建文帝至雲南永嘉寺今開忠寺自

言與沐將軍有舊僧報沐晟晟至寺密語移時送往

武定獅山後常往返吳楚蜀粵或為僧為道車里土酋刀暹答入寇

劫威遠州牧西平侯沐晟請討之上命先行撫諭暹

答悔懼歸州官貢方物謝罪赦之三年征八百大

甸又遣官諭西南夷大小古剌等部落皆內屬置宣

慰司一長官司五四年安南國王陳日焜為其臣

黎季犁所弑又誘殺其孫天平上以征南副將軍沐

晟同英國公張輔分道伐之黎季犛父子走海上追獲械送京師安南平得郡四十八縣百八十六戶三百一十二萬五千九百詔封晟黔國公食祿三千石子孫世襲是冬安南復叛推陳季擴爲首晟追至占城境上擒陳季擴等械送京師 九年置雲南監察御史詔雲南布政司開科

宣宗宣德七年八百大甸宣慰司刁之雅入貢請討波勒降勅諭之

英宗正統二年他郎甸蠻爲梗都督沐昂討平之十月麓川曾思任反任思倫次子也明初思倫叛沐英

招之內附奏爲宣慰司宣德時與木邦仇殺因失官以孟養刁氏伐至思任因刁賓玉勢弱遂據麓川侵孟定灣甸等處命晟遣官招之不奉詔三年十二

月思任掠騰衝南甸取孟養地刁賓玉奔永昌死思任遂屠騰衝據潞江事聞遣刑部主事楊寧往諭不服四年正月詔晟率昂方政往討之兵次潞江思

任請降楊寧曰兵未加而降詐也恐有後患晟不聽

伏發方政力戰死晟回至楚雄嘆曰吾安能解咎飲

藥死

後追贈定遠王謚忠毅

五月以昂爲征南將軍右都督吳

亮副之馬翔張榮爲左右叅將進討捷於潞江五

年二月昂軍抵隴把張榮達昂節制大敗而遁詔切責昂逮吳亮馬翔七月思任屯孟羅據者章硬寨昂戰敗之置巡撫雲南都御史六年思任遣使謝罪太監王振議討大學士楊士奇謂遠蠻不足較宜爲禦守計振執不可命定西伯蔣貴爲征蠻將軍兵部尙書王驥提督軍務太監曹吉祥監軍侍郎徐晞督餉楊寧等贊畫率兵十五萬往征十一月兵進金齒分三道抵上江大破於杉木籠斬首數萬又破其象陣於馬鞍山思任奔緬子思機匿孟養驥移師討之時維摩土蠻韋郎羅作亂逃入安南驥檄之斬首以

獻 七年三月班師思任復亂十一月驥等再征

八年二月驥至金齒分兵進擣麓川檄緬獻思任父子使還言緬願獻欲得重臣往取郭登請行入緬卜刺浪來會頗驕蹇登折之乃聽命登回其相緬刺割以舟載思任來獻會有嫉登功者議留守沙壩刺割至不見登遂不敢獻驥聽裨將陳儀言密令蔣貴擊之刺割竟持思任去貴子雄追之兵敗自死東路兵克孟養諸寨思機亦逃驥仍以捷聞 九年贊畫楊寧巡撫雲南遣使許緬以孟養地易思任卜刺浪喜乃函首來獻時刁賓玉已故回以卜刺浪長子銀起

莽爲孟養宣撫司思任二子思機思尙潛居孟養

十年築騰衝城 十一年改麓川爲隴川設宣慰司

於隴把以舊夷目恭頌爲宣撫勅赦思機等罪令其
來朝不至 十二年十月思機思尙據孟養叛 十

三年復以驥督軍征隴川大破之踰孟養至孟那而
還思機思尙竟失所在夷衆復立思任幼子思洪爲
主來言願奉思氏永當差徭許之班師河西縣教諭
詹英劾驥老師費財濫行爵賞

憲宗成化元年沐斌之子沐琮入朝襲黔國公沐晟
之孫也 三年還滇屢平蠻亂正尋甸廣西土酋之

罪設流官尋甸初爲仁德府屬州二高明馬龍縣二
爲美歸厚後改高明爲嵩明屬雲南府馬龍屬曲靖
府並改二縣爲二十馬頭改郡名尋甸設流官 十
二年八月巡撫王恕奏置臨安瀾滄金騰曲靖四道
以飭戎 十四年罷尋甸廣西土知府立流官 十
九年命御史程宗撫慰木邦立孟密安撫司
孝宗宏治二年築趙州城七年築賓州州城於大羅
衛 十八年勅刑部侍郎樊瑩旅雲南山川考察文
武官罷黜一千二百餘員爲征麓川濫爵者

武宗正德二年雲南屬夷阿本叛巡撫吳文度討平

之 七年十八寨夷人出降巡撫洪達安撫之 十五年巡撫何孟春疏復永昌府治

世宗嘉靖元年改金齒指揮使司爲永昌軍民府仍置永昌衛改騰衝指揮使司爲騰越州仍置騰衝衛 二年添設大理府督捕通判駐白崖 七年尋甸

知府馬性魯因征糧繫馬頭安銓妻於獄裸撻之銓遂叛掠嵩明等處進攻尋甸分府叅政黃昭道兵備副使周奎督兵討之敗績遂陷尋甸執知府雲南鎮巡調各土官剿之令武定曾鳳朝文以兵千人守廠口朝文素與銓通好明年自廠口擁兵攻武定殺同

知袁俸知州秦健等十三人遂與銓連兵二萬抵省城西門外焚民房屋雲南大震事聞命兵部尙書伍文定討之未至援師已集斬朝文與銓報捷文定還十七年勅雲南鎮巡會討安南二十三年添設

姚安府督捕通判駐赤石崖分雲南貴州鄉試解額

四十人二十四年築鶴慶城三十年元江土會

那鑑殺姪奪印聚掠郡邑巡撫石簡督兵討之鑑詐

降簡遣左布政徐樾往諭被害巡按趙炳然以狀聞

奪簡官切責黔國公沐朝弼率兵攻之三十二年

那鑑自殺收印信四十四年武定土酋鳳繼祖結

諸夷爲亂先是鳳朝文叛後子幼其妻撫之守土盡
職子死媳索林復掌府事繼祖瞿養子也名阿倫欺
其嫂潛議奪嫡挾資赴京納指揮揚言已襲武定知
府逐索林巡撫宗慶討之繼祖潛奔四川會理州招
集亾命陰結姚安高欽高翔王一心等爲羽翼誘索
林講和殺其總管七十人出富民羅次抄掠又分遣
東川營長阿科等兵攻曲靖尋甸各府時新撫呂光
洵已至分路進剿兵備僉事張澤戰敗被執光洵合
師急攻賊勢窮挾澤求撫不許澤死官兵追至七州
地界繼祖爲其下所殺高欽等伏誅

穆宗隆慶元年設武定流官改治立樂建學宮築城
池 二年築高明州城黔國公沐朝弼以藩亂建安
置南京子昌祚襲爵 三年添設鄧州流官 五
年築潯江廣西二府城

神宗萬歷元年大姚鉄索箐臨安母僕等夷屢叛巡
撫鄒應龍平之 三年築晉寧州城 五年廣南儂
會叛巡撫王凝會黔國公沐昌祚撫定之緬酋莽瑞
體結隴川諸蠻作亂先是嘉靖時莽紀歲爲孟養所
殺其子瑞體奔洞吾母家因有其地吞併隣境招降
川多士寧叛不從其養子岳鳳殺士寧以應之士寧

妻罕懷氏印携二子多忠多孝奔永昌當事不能救
鳳盡殺之遂據隴川瑞體遣子應禪喇飭分戍隴干
自攻迤西土官思箇告急副使羅汝芳調漢土兵合
擊之緬兵敗鳳導之遁去 七年莽瑞體復侵迤西
思箇被殺 十年十月鳳破干崖時瑞體死子應禪
嗣鳳執遮放頭日刀落思送應禪送入姚關 十一
年正月賊焚掠施甸攻順寧被猛淋寨殺指揮干戶
六人干崖蓋達雷弄皆陷巡撫劉世曾巡按董裕會
疏請兵以叅將劉綖鄧子龍提兵出剿應禪會孟養
孟密蠻莫隴州車里八百等眾犯姚關子龍大破之

於攀枝花挺出隴川抵阿瓦諸頭日皆降

初挺以厚存心許令

招諸夷許不死故猛哈思化等俱殺緬使降諸夷踵至當事不知逼挺禽鳳及其子翼烏獻俘京師諸酋

復十五年羅雄酋者繼榮叛世曾昌祚擒斬之改

羅雄為羅平州繼榮黨董仲文復叛官兵剿平應理

復陷密堵送速二城迤西土官思威思化思順以兵

應之按察使李材遊擊劉天俸助兵斬千餘級世曾

以捷聞巡按蘇鄴疏論迤西功多侈屍抵級下材天

俸獄削世曾籍十九年莽應裡破猛拱猛廣又圍

蠻莫鄧子龍率兵剿退又攻迤西思化等奔等練山

子龍擊敗之丁苴白改夷普應春等叛撫鎮吳定沐

昌祚討平之請設新平縣改新化州隸臨安府 二
十一年莽應祖分道入犯思順奔猛卯巡撫陳用賓
至永昌遣將王一麟盧承爵等合剿多所斬獲募閩
人黃龔使暹羅王得楞令其龔緬又計斬土酋多掩
緬失所恃乃退歸因築八關二堡於三宜要害戍緬
並議屯田 二十四年猛卯酋多亨勾緬構亂用賓
檄木邦罕欽滅之築平麓城 二十五年二月順寧
土酋猛廷瑞與大侯土酋奉赦捕殺用賓檄叅政李
先著副使邵以仁勘之先著以廷瑞無反情力主撫
恤以仁龔執廷瑞請設順寧流官改大侯爲雲州用

賓奏先著受廷瑞賂逮繫卒於獄 二十六年諸蠻
俱絕緬人復侵思轟各土酋擊之潰歸九月
順大餘孽歪轟猛思賢等叛用賓討之奏以順寧府
改隸金騰道 二十八年命雲南撫鎮協討播酋楊
應龍用賓駐曲靖黔國公沐獻駐霑益遣叅將謝崇
爵等至烏江與賊戰勝之賊兵陡至敗回橋折全軍
覆沒總督李化龍以賜劍斬崇爵 三十年築順寧
右甸城並雲龍州城 三十二年緬人攻猛密徵兵
思轟叅將王廷光止轟勿發縛獻其使緬人怒攻轟
轟死酋長思華據其地 三十三年用賓道副將陳

寅擒緬日多罕復蠻莫界 三十五年十一月武定

夷阿克率鄭舉反先是知府陳曲貪墨屢囚舉索賂
舉不能堪乃糾阿克等破府城殺指揮金守仁千戶
王應爵並男婦四百五十人千戶梅應時黃桂金策
高力戰死十二月阿克鄭舉擁推官白明通以兵隨
其後直抵會城明通至城下請以冠帶印信給賊不
許明日賊大肆劫掠沿村焚殺一空時武定守先在
會城賊索其印甚急許之乃去又明日復來撫鎮皆
不得已以印縋城予賊熟視上馬拔營而歸尋甸夷
目大理保楊禮召補夷婦海冲等破嵩明州城進逼

楊林都司汪如淵率祿崇功李鳳兵以救賊退巡撫
周懋相檄副使羅希益合兵進剿大敗保等於尋甸
三十六年正月左布政使彭應時叅政楊俊臣副
使陳禔都司范繼斌遊擊段辰率兵分剿阿克鄭舉
等是月賊破祿豐知縣蘇夢暘率民兵力戰而死六
月諸路合兵剿賊克舉等奔東川官兵歷其境土司
祿哲縛克舉以獻陣擒楊禮海冲獲各府州縣印信
克等械送京師致仕黔國公沐昌祚疏論失事狀語
連巳子獻詔逮獻及用賓張名世陳典白明通黃榜
毛文彩下獄論死 三十八年隴川宣撫多安民叛

入緬巡撫周嘉謨檄兵脩黃文炳追斬之隴川平立
其弟安靖 四十年建馬龍祿豐磚城 四十一年
水西霑益蠻以讐搆兵二月安堯臣率兵入霑益逼
安紹慶殺傷甚衆嘉謨具題行兩省會問 四十三
年建水土酋刁春祺勾交陞兵犯境土舍沙源堵截
勝之斬其僞侯伯三人十二月建鎮南蒙自磚城

四十八年雲龍州土酋段進忠殺段嘉龍謀襲其職
巡撫沈做煥檄兵備熊鳴岐擒斬之奏改流官

熹宗天啓元年九月四川永寧土酋奢崇明奢寅貴
州土舍安邦彥相繼反十月沈做煥調兵赴援十二

月師次安莊衛官軍陷沒都司李天常等死 二年
正月遣都司楊明廷統兵三千援蜀師次畢節會烏
撒土酋安効良助逆伏兵阻截明廷兵潰與中軍程
坤同死二月霑益土婦設科惡目補鮮李賢武定夷
目張世臣等糾東川土寇祿阿伽叛陷亦佐平彝霑
益諸城沈做炳以便宜起用原任叅將袁善李思忠
分剿以守備金爲貴土舍沙源爲前鋒大破賊衆設
科復攻嵩明陸涼張世臣復攻武定善等又敗之設
科等焚劫陸涼知州郭俊義戰死四月遣叅將尹啓
易守備李加培周嘉映自交水督兵進霑益安効良

統水西烏撒兵拒戰加培嘉映敗績死之 三年正月補鮓安應龍攻破阿那各寨復攻羅平師宗巡撫閔洪學分遣袁善施翰李思忠沙源及元謀土舍吾必奎等漸次恢復四月師還五月建交水城是月水西普安賊兵攻平彝守將袁善擊敗遁去十一月兵備參議王英叅將尹啓易以計擒設科李賢正法四年七月檄武舉李瑗率兵襲張世臣於他郎斬之獲其妻子八月新化新平賊首魯魁魯克等伏深箐劫掠地方閔洪學檄分守副使胡其慥遊擊劉崇禮搜捕倖斬餘黨悉降立十二哨於其地戍之 五年

三月安效良復叛先是吾必奎恢復炎方松林站蜀道復通効良縛安應龍以獻又獻烏撒衛所印信勞其使而歸之行至曲靖被殺効良忿甚遂糾水蘭二酋叛袁善督沙源力戰勝之吾必奎堅守炎方以老賊衆善乘勝間出與必奎夾攻賊遁五月効良復糾水西賊衆入寇洪學檄布政使謝存仁及善等大敗之於馬龍州土賊竜戈資導効良等潛遁善遂募東川蠻縛斬戈資安邦彥等就撫

崇正三年黔國公沐天波巡撫王仇巡按甘學潤屯兵曲靖剿安効良設科餘黨鷄世昌平之十月阿迷

州土酋普名聲反初名聲隨御史傅宗龍援黔宗龍
蓄之於家巡按余城與黔國公沐天波啓元構隙陰
借名聲爲衛名聲遂生覬覦適啓元暴卒名聲乃歸
巡撫王伉惡之後寧州土官祿名缺與名聲互訐人傳
伉欲剿名聲名聲懼乃詐爲祿名缺家人訴名聲於伉
以覘虛實伉果有卽討之言名聲遂反四年伉統
鎮黔蜀土司吾必奎等屯兵臨安討之不克伏發全
師皆陷叅議周世昌將官朱永吉力戰死遂犯臨安
叅將溫如珍敗之事聞建伉及巡按趙洪範五年
名聲死初叛時兵頭何天衢不從反正自効屢挫名

聲兵移兵攻天衢名聲轉中砲石死其妻萬氏乃募
贛安南士官沙源之子沙定洲爲夫其子普服遠欲
殺定洲萬氏別居一寨陰擁強兵合併近夷勢益猖
獗 六年巡按姜思庸議撫所遣輒被害廣西知府
張繼孟單騎入賊營諭以利害萬氏降

國朝沿革

順治元年巴蜀爲張獻忠所陷黔國公沐天波恐賊
至滇命叅將李大贄赴會川一帶防守大贄數侵元
謀土酋吾必奎地必奎不能堪於二年九月據元謀
叛連陷武定祿勸等城天波調各寨士官沙定洲等

討必奎定洲不至大贊進兵必奎伏誅十一月定洲

至省厚賂于錫鵬為粵援陰結掌印都司徐廷珍參

將張國用都司僉書阮勣嘉袁士宏等為內應是日

託言辭歸竟襲天波劫巡撫吳兆元天波由小竇出

西城從官周鼎留天波討賊天波疑為賊黨殺之士民爭擁其母陳氏至朝陽庵妻焦氏至金井庵

避賊頃之聞天波西奔士民欲奉二氏往焦曰我婦人義不可辱何如先死使夫一心殺賊則死愈於生

矣廼遣二子從天波後遂自焚一女尚定洲盤踞會

推同焚死陳喜曰真吾家婦矣亦自焚城執祿豐家居吏部侍郎王錫究脅之號召各郡不

屈被害天波疾馳楚雄定洲追襲其後洱海道楊畏

知適在楚雄率推官王克昌及紳士悉力防守定洲

圍數月不下乃遣其黨王朔李日芳陷蒙化大理又遣黨攻武定推官陶光印固守攻四十餘日乃去

四年定洲忿楚雄不下率賊衆攻益切忽聞蜀寇入滇定洲撤精銳半萬往援曲靖圍稍解天波畏知道之不及四月蜀寇孫可望李定國劉文秀艾能奇入滇定洲遁去初張獻忠死餘黨可望等入貴州聞定洲據滇詐稱黔國焦夫人弟率兵復讐屠平彝交水曲靖知府宋文旦知縣陳六奇死之執巡按羅國嘯聲言搗定洲巢穴分兵出蛇花口定洲懼焚南城樓走臨安可望由宜良趨省追各官印偽設四城督捕

鑄大順錢強明宗室部院朱壽琳官不屈殺之羅國
嚙自焚五月文秀屠武定定國攻定洲黨湯嘉賓等
於臨安屠其城聞至晉寧鄉民拒之復屠晉寧及昆
陽八月可望兵逼迤西楊畏知拒戰於獅子口兵敗
被執不屈可望僞以恢復之言慰留之乃與可望盟
天波走永昌可望至大理招天波並索永昌道府印
通判劉廷標推官王運開自縊死執運開之弟運閔
欲強以官不屈自沉於潞江文秀執天波歸仍佩舊
印 五年五月能奇死八月定國破佴革竜擒定洲
萬氏嘉賓等械赴雲南磔之於市誅其黨數百人

六年二月可望以無名爵難以號召滇黔聞明部院何騰蛟瞿式耜僞立桂王之子由根於粵西遂遣僞戶部龔燾詣求封爵以羣議不決六月姚安舉人席上珍起義兵討可望被執不屈磔之 七年七月由根將陳邦傳與可望潛通因其請封私填充勅使胡執恭封可望爲秦王令其設行臺六部由根不知也 八年可望差僞總兵常榮詣由根直稱秦王始大駭嚴起恒等議改爲興王屢遣人往諭悉陰殺之自稱國王定國等素與可望不睦至是愈怨憤三月可望遣僞將軍賀九儀至粵西託言入衛殺起恒與張

載由根懼仍封為秦王五月可望遣畏知詣由根留

為內閣畏知上書自劾又語忤賀九儀儀譖於可望

執畏知回黔畏知求速死遂遇害 九年大兵取廣

西由根奔廣南可望安置於安籠所待之無人臣禮

偽知府范應旭署其簿曰皇帝一 九月偽御史李如

員后妃幾口每月應支糧若干 月劾可望擅殺勳爵可望怒殺之

徐極蔣乾學李元開李順朱議泥鄭允元趙賡禹蔡

綱易士佳胡士瑞朱東旦升斗墟及內官張福祿全

為國等十八人見可望所謀不測欲潛通李定國以

圖可望時定國在粵西不能旦夕相接可望知之遣

人拷鞠吳正毓等同聲不屈可望悉磔之 十三年
臨死俱有絕命詞順治十一年之事也
定國由廣西回可望遣將白文選欲先挾由根入黔

文選至安籠所謁由根見其丰儀股栗汗下不敢迫
促適定國至遂同送由根入滇尋使文選招諭可望
不至 十四年可望自黔舉兵入滇以文選爲總統
九月定國文秀逆於曲靖之三岔口文選夜率其本
部降可望大驚密遣馬寶武大定張勝由尋甸間道
襲省城潛通其心腹王尙禮爲內應自領重兵與定
國相持可望將馬進忠以其事報定國國與文選疾
擊之可望敗走寶與大定亦密受由根劄給勝不由
間道反出楊林至則舉火省城及曲靖皆知悉嚴兵
以待勝至省城絕內應又聞可望敗歸遂焚掠而逃

至赤水鵬遇定國勝被擒斬之寶等同入省文秀乃
追可望十月可望敗回貴州爲慶陽王馮雙禮詐稱
追兵已至可望倉皇奔走長沙乞降於經畧閣部洪
承疇明年文秀死 十五年信郡王鐸尼帥大兵出
貴州征南將軍固山趙布太由廣西定西侯墨勒根
下都統李國翰與吳三桂由四川三路取雲南定國
文選等連營於安籠所七星關鷄公背扼險據守大
兵自水西潛渡七星關繞其後定國等潰敗同由棧
走迤西其僞尚書王應龍父子自縊死十二月大兵
三路會於曲靖迤東各羈皆歸附 十六年正月三

路兵抵省二月進逸西殺王國勲於普湖又敗文選於玉龍關由根至騰越州定國復集兵於磨盤山樹柵扼險死據趙布太吳三桂被其柵定國走孟艮由根入緬甸文選走猛緬遂克騰越三月偽將狄三品艾承業張明志丁友才等投誠擒馮雙禮來獻六月經畧洪承疇至雲南議征緬機宜設總督巡撫布政按察等衙門偽將王會楊威等率屬歸附景東等二十五土司並烏撒東川烏蒙鎮雄四土酋先後歸附九月元江土酋那嵩偽總兵許名臣暗通定國以叛鐸尼率三桂討平之十月偽將李如碧高啓隆馬惟

興馬寶吳子聖廖魚郝承裔楊武楊國明等悉降

十七年正月三桂移鎮雲南疏乞沐氏勲莊四月請

設忠勇五鎮總兵以投誠馬寶李如碧高啓隆劉之

復塔新策五人充之又設義勇五鎮總兵以投誠王

會劉偁馬惟興吳子聖楊威五人充之車里宣慰司

刁木檣投誠給印世襲是月僞將祁三昇降 十八

年正月定國攻緬甸緬酋求救三桂發永昌騰越等

處防邊兵馬遙應之五月定西將軍愛星阿公至滇

大兵凱旋八月補行雲南庚子鄉試十一月安南將

軍卓羅鎮雲南愛星阿公與三桂領滿漢兵入緬追

由根師至木邦分兵追文選於茶山降之並降其黨
萬人

康熙元年正月滿漢兵次緬緬酋殺由根族屬偽吉
王松滋王瑞昌王及沐天波等百人並獻由根愛星
阿公等還滇議送由根至京三桂奏以道遠不便遂
縊由根及其子於五華山右家屬送京八月定國死
於景線其將馬思良胡順都王道亨挾定國子嗣興
及文秀子震來降愛星阿公等班師 十二年十一
月三桂據滇反初三桂收蓄凶命久謀不軌適聞有
搬移家口之信逆黨胡國柱吳應期吳國貴夏國相

郭壯圖衛璞方光琛方學範等密書於內馬寶力積
於外張國柱高啓隆王屏藩等應之殺巡撫宋國治
按察使李興元不屈械繫於獄雲南知府高顯辰同
知劉崑皆被杖安置潛通貴州提督李本深爲接應
總督甘文焜欲守黔中扼賊咽喉而兵心離散數騎
走鎮遠副將江義附逆遮其歸路文焜父子及筆帖
式何善雅兒皆自盡三桂遂使吳國貴爲先鋒東寇
辰沅至荆江王屏藩由蜀寇漢中夏國相寇江西又
糾廣西孫延齡廣東尚之信福建耿精忠同反滿漢
大兵征剿之賊不敢渡江四川湖南兩廣次第克復

三桂屯兵湖南搜括糧餉 十六年三桂求援於蒙

古割麗江之內喇普地賂之 十七年三桂死於衡

州 十八年三桂標下海朝龍起兵鶴慶田進學起

兵永昌反正討賊不克朝龍敗由吐蕃走京師進學

死先是郭壯圖因三桂死遂擁其孫世璠進屯貴州

十九年定遠平寇大將軍固山貝子章泰統征南

將軍穆占等帥滿漢兵由湖廣克辰龍關楓木嶺取

鎮遠清平破賊將韓天福於平越十一月世璠等遁

回雲南 二十年正月大兵克盤江世璠遣賊將線

城屯兵江西坡扼險以待章泰大敗之賊分兵據黃

草薶征南大將軍賴塔等由泗城州奪石門坎拔安
籠所繞出賊後大破之二月賴塔被曲靖線城道章
秦遂會師於曲靖十九日師抵雲南世璠遣壯圖悉
精銳迎戰大兵夾攻破陣於呼馬山下賊閉城拒守
四月馬寶自遵義由尋甸奔楚雄都統希福提督桑
格迎戰於呂合寶就擒賊將胡國柱王緒王公良李
匡等復招集潰衆於迤西夏國相高啓隆廖進忠王
永清等潛聚於廣南大兵分剿之擒高啓隆等胡國
柱王緒李匡自殺俘馬寶夏國相械送京師餘悉磔
於市迤西廣南平八月宣威將軍紀哈里同雲貴總

督趙良棟等由建昌渡金沙江鎮安將軍噶爾漢等
由永寧會師於雲南十月初八日大兵移營逼城賴
塔進兵銀錠山湖廣總督蔡毓榮奪重關及太平橋
穆占趙良棟巡撫王繼文奪玉皇閣與東寺西寺賊
悉力拒守章泰命布書告示射入城中令其獻城賊
遂有離心二十二日賊黨余從龍吳成鰲出降知城
中虛實趙良棟王繼文親冒矢石領兵攻得勝橋蔡
毓榮攻大東門賴塔攻銀錠山並分兵攻近華浦建
義將軍林興珠攻草海四面逼城復遣余從龍入城
招降二十八日城中自亂線城等擁兵入國壯圍家

先殺壯圖心腹郭得勝壯圖與子宗汾舉火自刎世
璠亦自殺線城吳國柱吳世基何進忠黃明等開城
出降礫方光琛方學範於市斬世璠壯圖首級並戮
三桂屍俱留送京師 二十一年滿漢兵陸續凱旋
蔡毓榮總督雲貴等處鎮安將軍馬齊護軍統領佟
雅副都統得爾德希福留滇鎮解吳逆家口及親屬
並僞將軍總兵副將等進京叅遊以下俱發河南江
西山東湖廣四省安置而雲南未奠矣

滇雲紀畧上卷終

